

Akileraarusiinernik Aalajangiisartut aalajangiinerat

Kinaassutsimik uppersaaneq:	2022-14116
Aalajangiineq aalajangiunneqarpoq:	marts 2023
Aalajangiinerup tamanut saqqummiunneqarnera:	marts 2024
Ukioq isertitaqarfiusoq:	2017, 2019 aamma 2020
Sammissaq:	Akileraarutit
Sammissami oqaatsit atorneqartut: Imaani angalatilluni nerisaqartitsineq	

Eqikkaaneq

Naammagittaalliummi imaani angalatilluni nerisaqartitsisarnermut ilanngaat pineqarpoq.

Naammagittaalliuuteqartup imaani nerisaqartitsinerumut aningaasartuutit akilerneqartut tamaasa ilanngaatisimavai, Akileraartarnermulli Aqutsisoqarfiup aningaasartuuteqarnerunermut ilanngaat appartitsiffigisimavaa, tassami akeqanngitsumik nerisaqartitsinerup nalingata saniatigut nerisat akilerneqarsimapput.

Akileraarusiinernik Aalajangiisartut ilanngaatinut Akileraartarnermut Aqutsisoqarfiup angissusiliinera aalajangiussimasimavaat, tassami matumani nerisaqarnerumut aningaasartuutaanerusut ilanngaaffigineqarnerat kisimi pineqarpoq.

Suliassami pissutsit piviusut

Naammagittaalliuuteqartoq aalisariummi angalalluni sulisimavoq. Taassuma ukiunut aningaasarsiorfiusunut 2017, 2019 aamma 2020-mut nammineerluni nalunaarsuiffimmini imaani nerisaqarnerminut aningaasartuutit 18.411, kr.-t, 20.822 kr.-t aamma 17.153 kr.-t ilanngaatisimavai.

Taanna ukiuni aningaasarsiorfiusuni 3-ni ulluni 108-ni, 124-ni aamma 100-ni imaaniissimavoq.

Akileraartarnermut Aqutsisoqarfiup akeqanngitsumik nerisaqarnerup nalingata saniatigut imaani nerisaqarnerumut aningaasartuutaanerusunut - nerisanut akilerneqartunut - ilanngaat appartissimavaa. Ilanngaat ukiumi aningaasarsiorfiusumi 2017-imi 7.719 kr.-nut, ukiumi aningaasarsiorfiusumi 2019-imi 8.358 kr.-nut, ukiumi aningaasarsiorfiusumi 2020-mi 6.953 kr.-nut angissusilerneqarsimavoq.

Naammagittaalliuuteqartup paasinninnera

Naammagittaalliuuteqartoq imaani angalatilluni nerisanut aningaasartuutitut akilerneqartunut ilanngaateqarsinnaatitaalluni isumaqarsimavoq. Taamaattoqarmallu akileraarutitut sinneruttunut akilersinniarneqartunut naammagittaalliorsimavoq.

Inatsisitigut malittarisassanut inatsisitigullu periaatsinut innersuussinerit

Aningaasarsiat pissarsiarineqartut aningaasartuuteqarfiginerannut ilanngaateqartoqarpoq, takuuk Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi § 24 imm. 1 nr. 1.

Nammineerluni aningaasartuutigisanut, soorlu nerisanut aningaasartuutit, ilanngaateqartitsisoqanngilaq, kisiannili inuussutissarsiutigineqartoq pissutigalugu nerisanut immikkut aningaasartuuteqarsimappat immikkut aningaasartuutininut (aningaasartuutaanerusunut) ilanngaateqartoqarsinnaavoq.

Akileraartarnermut Aqutsisoqarfiup nammineerluni nalunaarsuiffissaq nammineerlunilu nalunaarsuinermit ilitsersuut ilanngunneqartoq nassiuutissavai. Immersuiffissami 64-imut makku erseqqissaatigineqarput (2020-mut nammineerluni nalunaarsuiffissaq).

Tassani imaani nerisaqarnermut aningaasartuutaanerusut 2020-mi nammineerlutit akilersimasatit erseqqissaatigissavatit.

Nerisaqarnermut aningaasartuutaanerusut:

Illumut matumani aningaasartuutaanerusut pineqarnermut nalilersuiffiginissaanni ullormut aningaasartuutaasartoq akilernerqartoq uppersarsarneqartoq "akeqanngitsumik nerisaqartitsinerup nalinganut" assersuullugu tunngavittut atorneqartussaassaaq, taamaammallu aningaasat / akiliutigineqartoq ullormut "akeqanngitsumik nerisaqartitsinermut" naleritinneqartumut Naalakkersuisut aalajangersagaannut qaangiisumut ilanngaateqartitsisoqarsinnaassaaq.

Naalakkersuisut ukiut tamaasa akeqanngitsumik nerisaqartitsinerup nalinga pillugu akuersissuteqartarput, tamannalu Akileraartarnermut Aqutsisoqarfiup ilitsersuusiakkut nalunaarutigisarpaa. Taamaattoqarmallu ukiunut aningaasarsiorfiusunut naammagittaalliutigineqartunut tunngatillugu Nalunaarutini nr. 100, 12. september 2016-imeersumi (ukioq aningaasarsiorfiusoq 2017), nr. 116, 12. oktober 2018-imeersumi (ukioq aningaasarsiorfiusoq 2019) aamma nr. 124, 1. oktober 2019-imeersumi (ukioq aningaasarsiorfiusoq 2020) nalunaaruteqartoqarsimavoq. Nalunaarutini immikkoortoq B-mi akeqanngitsumik nerisaqarnermut naleritinneqartumut akigitinneqartut ukiunut aningaasarsiorfiusunut pingasuusunut tunngatillugu ullormut 99, kr.-nut, 101 kr.-nut aamma 102 kr.-nut inissinneqarsimapput.

Akileraarusiinernik Aalajangiisartut naliliineri tunngavilersuutaalu

Akileraartarnermut Aqutsisoqarfiup naammagittaalliuteqartup imaani nerisaqarnermut aningaasartuutininut nammineerluni nalunaarutigalugu ilanngaataanut appartitsinermit ukiuni aningaasarsiorfiusuni 2017, 2019 aamma 2020-mi akileraarutininik sippuisoqarsimanera pissutaavoq. Naammagittaalliuteqartup aningaasartuutit akilernerqartut tamakkerlugit ilanngaatisimavai, nerisaqarnermulli aningaasartuutaanerusunut taamaallaat ilanngaateqartitsisoqarsinnaavoq.

Aningaasartuutaanerusut ilanngaaffigineqarsinnaasut aningaasatut aningaasartuuterpianik akilernerqartunik akeqanngitsumik nerisaqartitsinerup nalinganik qaangiisutut naatsorsorneqassapput. Akileraartarnermut Aqutsisoqarfik akeqanngitsumik nerisaqartitsinermit akigitinneqartoq

imarmiinnermilu ullut amerlassusaat tunngavigalugit naatsorsuisimavoq, akeqanngitsumillu nerisaqartitsinerup naatsorsuiffiginerata aningaasartuutillu akilerneqartut akornanni nikingassummut (aningaasartuutaanerusut) ilanngaateqartitsisimalluni.

Akilararusiinernik Aalajangiisartut aalajangiinerat

Akilaraartarnermut Aqutsisoqarfiup imaani nerisaqartitsinermut aningaasartuutitut ilanngaammik appaanera aalajangiusimaneqarpoq.

Inatsisitigut tunngavigisaq: Aningaasarsianit akilaraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi § 24 imm. 1 nr. 1.

Akilaraartarnermut Aqutsisoqarfiup nalunaarutai nr. 100 12. september 2016-imeersoq, nr. 116, 12. oktober 2018-imeersoq aamma nr. 124, 1. oktober 2019-imeersoq